



საქართველოს მეცნიერებათა ეროვნული აკადემია

ქართული ენციკლოპედიის ი. აბაშიძის სახელობის მთავარი სამეცნიერო რედაქცია

გეგეჭკორი საშა ალექსანდრეს ძე



ს. გეგეჭკორი

გეგეჭკორი ალექსი ალექსანდრეს ძე (პართ. ფსევდ. საშა) [23. XI (5. XII). 1887, სოფ. ნაოლავევი, ახლანდ. მარტვილის მუნიციპ., – 7. VI. 1928, თბილისი], სახელმწიფო და კომუნისტური პარტიის მოღვაწე, რევოლუციური მოძრაობის მონაწილე კავკასიაში. კომპარტიის წევრი 1908-იდან. დაიბადა აზნაურის ოჯახში. რევ. მოძრაობაში ჩაება 1902-იდან. მუშაობას ეწეოდა ბაქოში, თბილისში, დას. საქართვე. რ-ნებში, ჩელიაბინსკში, დონის როსტოვში და სხვ., რისთვისაც არაერთხელ იყო დაპატიმრებული და გადასახლებული. აქტიურად იბრძოდა საქართვე. დემოკრ. რესპ. წინააღმდეგ. 1919 ივლ-ში გ. არალეგალურად ჩამოვიდა საქართველოში, სადაც ოქტ-ში დააპატიმრეს. წაყენებული ბრალდებით დახვრეტა მოელოდა.

გაათავისუფლეს 1920 მაისში საბჭ. რუსეთსა და საქართველოს შორის დადებული ხელშეკრულების საფუძველზე.

1921-22 იყო თბილ. რევკომის თავ-რე და საქართვე. რევკომის წევრი, 1922-23 – საქართვე. შინაგან საქმეთა სახ. კომისარი, 1924-იდან – მიწათმოქმედების სახ. კომისარი, ერთდროულად 1922-იდან – საქართვე. სახკომსაბჭოს თავ-რის მოადგილე. იყო საქ. კპ (ბ) ცკ-ისა, საკავშ. ცაკის და საქართვე. ცაკის წევრი. მიღებული აქვს სახელმწ. ჯილდოები.

ლ. თოიძე